



**Emma:** Jister hee min tante bi mi uunrepen an wul mä mi snaake.

**Paul:** An wat wul hat?

**Emma:** Ik liaw, ham wiär loongwiiljig. Hat wul gans genau wed, wat ik de hiale dai so maage an hü det uun skuul so leept.

**Paul:** An wat heest dü ham fertäeld?

**Emma:** Ik haa saad, dat ik, wan ik tu skuul skal, imer am hualew sööwen apstun, am sööwen doord fu an dat ik am aacht uun skuul sat.

**Paul:** Diar sat wi do bienöler!

**Emma:** Jä, an am a klook ian san ik weler aran an iidj made.

**Paul:** An wat maagest dü de eftermade?

**Emma:** Dü fraagest jüst üüs min tante!

**Paul:** Nee, ik spele din tante!

**Emma:** Och so, nö ik spele imer mä Tofel an wi bialen spele dach uk uf an tu ens tup.

**Paul:** Jä, oober bluat de freidai eftermade bit klook seeks an ei linger. Jam fu jo al so ääder naachtert.

**Emma:** Jam dach uk, Paul.

**Paul:** Ik skal jo uk al am a klook aacht tu baad.

**Emma:** Ik lei do uk al uun't baad an san orntelk treet. (Emma maaget a uugen tacht an dee so, üüs wan hat snarkt.)

**Paul:** (laachet en betj) Emma, heest dü last söndai mä min familje en ütjfluch tu maagin?

**Emma:** Uu jä, Paul. Det as super! Ik fraage eftert min aalern. Wat maage wi?

**Paul:** Sai ik ei. Oober dü könst jo riad!